

古事類苑

植物部十九

草八

牡丹
名稱

〔本草和名〕牡丹 一名鹿韭、一名鼠姑、一名百兩金、出蘇敬注一名白朮、出釋藥性和名布加美久佐、一名也。未多知波奈。

〔倭名類聚抄〕二十牡丹 本草云牡丹一名鹿韭、舉有反和名布加美久佐

〔箋注倭名類聚抄〕蘇敬云牡丹苗似羊桃夏生白花秋實圓綠冬實赤色凌冬不凋根似芍藥肉白皮丹出漢劍南土人謂之牡丹亦名百兩金京下謂之吳牡丹者是真也詳蘇敬所說本草牡丹即皇國西俗所呼藪立花東俗所呼藪柑子也輔仁訓布賀美久佐一名也未多知波奈是草生林叢中故名布賀美久佐又是草葉凌冬不凋其實四時常赤有似橘橙故名山橘古藥方中牡丹皮宜用之今人以木芍根皮為古方中牡丹皮者誤唐以來別有賞花之牡丹即木芍藥也蘇敬曰今俗用者異於此別有臊氣也言唐俗藥方牡丹誤用木芍藥也蘇頌本草圖經曰牡丹花有黃紫紅白數色此花一名木芍藥近世人多貴重云云圖經引崔豹古今注云芍藥有二種有草芍藥木芍藥木者花大而色深俗呼為牡丹非也此牡丹亦入皇國即以漢名呼保字多无源君以本草牡丹誤為賞花之牡丹故列之女郎花瞿麥之下金錢花萱草之上雖知也未多知波奈是百兩金非賞花牡丹刪之然未知布加美久佐亦為所謂吳牡丹存之而不削皆誤後世歌人或咏牡丹為布賀美久佐者皆襲源君之誤也又按唐李綽尚書故實云世言牡丹花近有蓋以國朝文士集中無牡丹歌詩張公嘗言楊子華有